

**Faruk Selmanović**  
Zastupnik u Skupštini Kantona Sarajevo

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Skupština Kantona Sarajevo**

**n/r Kolegija Skupštine Kantona Sarajevo**

**Uputiti:** Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP „Vodovod i kanalizacija“ d.o.o. Sarajevo

## **PREDMET: INICIJATIVA**

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu nadležnim institucijama da dostave detaljne informacije o stanju vodosnabdijevanja u Kantonu Sarajevo, kao i spremnosti sistema za predstojeću sezonu povećane potrošnje vode.

### **Obrazloženje**

Vodosnabdijevanje u Kantonu Sarajevo predstavlja jedno od ključnih pitanja kvaliteta života građana, ali i osnovni preduslov za funkcionisanje privrede i javnih institucija.

U prethodnom periodu realizovan je određeni broj radova na vodovodnoj mreži, uz najave poboljšanja u pogledu stabilnosti sistema i smanjenja gubitaka vode. Međutim, građani i dalje izražavaju zabrinutost u vezi sa mogućim restrikcijama, obustavama isporuke vode i ukupnom pouzdanošću sistema, posebno u ljetnim mjesecima kada dolazi do povećane potrošnje.

Također, pitanje gubitaka vode u mreži, kao i naplate potraživanja od velikih dužnika, ostaje jedno od ključnih sistemskih pitanja koje direktno utiče na finansijsku stabilnost preduzeća i održivost sistema vodosnabdijevanja.

### **Inicijativom se traži:**

#### **1. Od Ministarstva i KJKP „Vodovod i kanalizacija“:**

- da dostave informaciju da li je sistem vodosnabdijevanja u Kantonu Sarajevo spreman za predstojeću sezonu povećane potrošnje vode,
- da preciziraju da li se očekuju restrikcije ili smanjenja u isporuci vode, te u kojim dijelovima Kantona Sarajevo,

#### **2. Planirani radovi i obustave:**

- da dostave pregled planiranih radova na vodovodnoj mreži u narednom periodu,
- da navedu termine i lokacije radova koji će zahtijevati **potpunu obustavu vodosnabdijevanja**,
- da pojasne način informisanja građana o planiranim obustavama,

#### **3. Gubici vode u sistemu:**

- da dostave podatke o procentu gubitaka vode u vodovodnoj mreži prije i nakon realizovanih radova u proteklom periodu,
- da dostave analizu efekata izvršenih investicija na smanjenje gubitaka,
- da navedu planirane mjere za dalje smanjenje gubitaka u mreži,

#### **4. Dugovanja i naplata:**

- da dostave listu najvećih dužnika prema KJKP „Vodovod i kanalizacija“,
- da navedu iznose dugovanja po korisnicima (pravna lica i institucije),
- da dostave informaciju koje su mjere poduzete u cilju naplate dugovanja,
- da navedu da li su pokrenuti sudski ili drugi postupci protiv dužnika,

#### **Zaključak**

Imajući u vidu značaj stabilnog i urednog vodosnabdijevanja za građane Kantona Sarajevo, kao i činjenicu da se svake godine u ljetnom periodu otvara pitanje restrikcija i pouzdanosti sistema, smatram da je neophodno pravovremeno i transparentno informisanje javnosti.

Posebno je važno utvrditi stvarne efekte dosadašnjih ulaganja u vodovodnu mrežu, kao i odgovornost u upravljanju sistemom, uključujući pitanje gubitaka vode i naplate potraživanja.

S poštovanjem,

**Faruk Selmanović**

Zastupnik u Skupštini Kantona Sarajevo